

26 OCT 1999  
YTL-KL PRT/I  
YTL NAFI BERTELAGAH DENGAN KL PRT

KUALA LUMPUR, 26 Okt (Bernama) -- YTL Corporation Bhd hari ini menafikan laporan mengenai pertelagahan antaranya dengan pemegang konsesi monorel KL PRT Sdn Bhd yang menyebabkan penangguhan pembinaan stesen monorel di kawasan "Pejalan Kaki Bintang".

Pengarah Urusan YTL Tan Sri Francis Yeoh, berkata laporan dalam sebuah akhbar petang berbahasa Inggeris itu hanya merupakan khabar angin yang disebarkan oleh beberapa pihak.

"Saya fikir Transit Laju Rakyat (PRT) membantu memudahkan perjalanan di bandaraya dan saya tidak nampak kenapa perlu ada pertelagahan," katanya kepada sidang media bagi memperkenalkan projek Bintang di sini.

"Kami (YTL dan KL PRT) bekerjasama mempertingkatkan kualiti bandaraya dan berbincang mengenai cara terbaik memudahkan orangramai menggunakan PRT ke Bintang," katanya.

Pejalan Kali Bintang adalah projek mengubah ruang pejalan kaki sepanjang tiga kilometer di Jalan Bukit Bintang menjadi kedai kopi di tepi jalan dan dijadualkan siap menjelang Disember. Perdana Menteri Datuk Seri Dr Mahathir Mohamad dijangka membuka projek tarikan pelancong baru itu pada 7 Dis.

-- BERNAMA  
ZMY JR